

17A

PROCANCELLARIVS
D. IO. FLORENS RIVINVS

COD. P. P. CANONIC. MARTISBURG. CAPITVLI WVRZENS.

DECANVS ACADEMIAE DECEMVIR ET FACVLT.

IVRIDIC. ASSESSOR

SOLEMNIA DOCTORALIA
CANDIDATI CLARISSIMI
GEORGII CHRISTOPHORI BEYERI

ICHSTAD. SCHWARZE.

INDICIT.

THE
FEDERAL BUREAU OF INVESTIGATION
UNITED STATES DEPARTMENT OF JUSTICE
WASHINGTON, D. C. 20535

MEMORANDUM FOR THE DIRECTOR
FROM THE SAC, NEW YORK
SUBJECT: [Illegible]

RE: [Illegible]

DATE: [Illegible]

BY: [Illegible]

FOR THE DIRECTOR: [Illegible]

ADMINISTRATIVE: [Illegible]



rescit indies facinorosorum malitia; nefanda et olim inaudita crimina, quotidiana fieri incipiunt: Imprimis amor sceleratus habendi adeo inuadit animos malefactorum, vt dies prope modum diem noua excogitata latrocinia et furta violenta, doceat. Extant feueriffimae sanctiones poenales in fures et latrones, sed fufficere non videntur, ad refrenandam illimitatam istam improborum audaciam et temeritatem. Blanda ICtorum indulgentia ipsis saepe elabendi, et promeritas poenas eludendi occasionem et manus quasi auxiliatrices praebet, viam quam semel in perniciem aliorum ingressi, in multorum damnum quandoque irreparabile ambulandi, donec tandem, iusto Dei iudicio ad furcam deducti tristem finem laborum sentiant. Conquestus est *Dn. a LEYSER in Med. ad Pand. Spec. D XXXVI. Med. 13 18.* iniustam in fures indulgentiam et intempestiuam misericordiam. Me quod attinet, lubenter confiteor meque conuictum sentio, quod nimis ingeniosi et subtiles esse soleamus in arguendo furto qualificato, dum arma saltem letifera et vim coaduna-

IV

tis hominibus illatam desideramus, leuia arma, e. c. cultros, effractionem ostiorum parietumque vt et ascensionem scala factam negligimus: quid quod, requirimus vt fur arma letifera animo nocendi et contra resistentes se defendendi secum sumserit. Hinc si fortuito in conclau, quod furandi animo intrauit telum inueniat et arripiat eoque vtatur ad percutiendum aut vulnerandum eum qui superueniat, furtum, neutiquam pro qualificato reputamus. Inde memini, militem gregarium, gladio suo instructum, noctu in flagranti deprehensum, cum arma sua ordinaria et gladium ex more militum a latere gestasse assereret, a poena capitali liberatum fuisse, in euentum sin assertum suum sub tormentis confirmaret, et animum nocendi declinaret, quasi non eadem ratio appareat idemque vitae periculum metuendum a latrone armis instructo, quocunque demum modo eorum compos factus, et ac si non leuioribus etiam armis e. c. cultro, praesertim si talis sit quo lanii in iugulandis pecoribus vtuntur inferri mors aut vulnera infligi queant. Pariter nimis mites nos exhibemus in aestimandis rebus furto surreptis, non verum pretium, aut id quod furtum passus mediante iuramento indicauit, admittimus, sed, si res furtivae fungibiles in natura extant, arbitrio taxatorum committimus vt minuant pretium, et manibus carnificis laqueum parantis quantum possibile eripiant furem. Sic, si furto vasa argentea nouissime comparata contrectantur, non quod aurifabro solutum, sed pretium saltem internae bonitatis in computationem venit. Si
duo

duo pluresue furtum perpetrarunt, beneficium diuisionis liberaliter ipsis tribuimus, ita vt si tres correi coniunctim XXXVII thaleros abstulerint, neuter eorum poena capitali afficiatur, qua e contra omnes tenentur, si quantitas illa vel vnico floreno augeatur. Capitalis poena nunquam irrogatur furi famosissimo si furtum passus quantitatem ablatam sacramento indicare recuset, licet fur ipsemet centum florenos se abstulisse confiteatur, et res furtivae quantitatem legibus determinatam longe superent, totque corpora delicti apud furem inueniantur, aut ille innumera alia furti se commississe indicet; nemo enim ex sua confessione interficiendus, sed saltem fustigatum in vicinam prouinciam dimittimus, vt artem nociuam et nefandum vitae genus reassumendo continuare valeat. Ius vitae necisque in manus priuatorum collocamus, qui confitentem furem remissione sua, ex intempestiua misericordia, aliis miseratione vere dignis nociua, extra vitae discrimen constituunt. Fortasse expediret reipublicae, vti Lubecae factum fuisse commemorat DAV. MEVIVS *comment. suo Part. IV. Tit. I. art. VII. n. 6.* abrogare in totum priuatorum hac in parte arbitrium, qui saepe dubia et scrupulosa conscientia, in re tam ardua, quid semel statuendum sit perpendentes, cruciantur. Pariter remissionem non puram et catheticam requirunt in foro criminali sed sub conditione factam sufficere autumant, conditionem enim pro non adiecta habent, praesertim si remissio fiat sub tali conditione, cuius implementum neque in furis nec iudicis potestate positum e. c. wenn der

VI

Dieb auf den Bau oder an einen andern sichern Ort gebracht wird, wo er niemand weiter schaden kan. Inde in graui furti causa, quae coram Praetorio Dresdensi adhuc haeret, ob furtum domesticum aliquot millium thalerorum, cum dominus de remissione interrogatus, sibi inducias vsque ad feralem sententiam expeteret, Ordo noster furi poenam laquei in eum euentum si dominus remissionem detrectaret, dictabat; postea quidem commouebatur dominus ad remissionem; sed sub expressa conditione quam iisdem verbis antea adduxi, sed Icti Vitembergenses spreta remissionis limitatione, eandem in sensum purum accommodabant, poenam capitalem in corporis afflictiuam commutantes, et in solatium remittentis, clausulam adiciebant, quod iusta sua desideria loco congruo exponere non prohibeatur. Iure nouo Electorali, quanquam facultas remittendi furtum passis non quidem in totum adempta, attamen decisione specialia; quae inter nouissimas superiore anno emissas est XL. expresse sancitum, vt impofterum remissiones sub expressa conditione factae pro puris non accipi, sed tunc demum effectum suum sortiri et pro obligatoriis censi debeant, si conditio adiecta ad amissum impleatur, limitata enim causa, limitatum etiam effectum producit. Dum remissionis mentionem iniicio, silentio non praetereunda causa restitutionis, quae itidem furi, spontanea, iusto tempore facta confessione, ad declinandam poenam capitalem prodest, quando non furtum magnum quod attingit quantitatem duodecim thalerorum et totidem grossorum, restituendum

Attuendum remanet, qua indemnitate domino praestita, nonnulli furem ipso iure tutum a poena capitali pronunciant, licet tertius, qui res furtivas bona fide comparatas, domino easdem vindicanti, non recuperato pretio exhibere tenetur, damnum graue sentiat. Ad tuendam hanc sententiam in adiutorium vocant verba *Nemeseos Carolinae Art. CLX*: wie schädlich dem beschädigten der Diebstahl ist, et per laesum den beschädigten, tantum dominum rei furtivae intelligunt, qui si res suas iterum recuperavit, et indemnitas redditus, furti labem extinctam esse putant, damnum tertii amplius non respiciunt, sed ad fraudulentum venditorem, si fortasse aliquid in aere habeat, remittunt. Eandem sententiam in Saxonia non obscure comprobatur *rescripto regio de dato XXVI. Aug. MDCCXX*. his verbis: Nichtweniger wenn der bestohlene die gestohlene Sachen oder den Werth derselben sonst wieder erhalten, colligunt. Particulam enim sonst de quocunque alio modo restitutionis a tertio factae, indistincte, siue tertio iterum satisfactum sit nec ne, accipiunt, et lege non distinguente distinguere haesitant, praesertim in causa criminali, in qua in dubio semper mitior pro reo in redimendo sanguine amplectenda sententia. At enim vero secta Ictorum rigidiorum eadem verba ordinationis criminalis sua facit et ita interpretatur, vt beschädigten, quemlibet laesum, adeoque non solum eum cui res ablata, sed et tertium, cui facto illo illicito et turpi nempe furto, vere damnum illatum, intelligat, adeoque ad certae alicuius personae commodum vel in commodum non restringat. Dominus

VIII

minus quidem rem suam vindicans suum recipit, sed ne-
tquam tertio bonae fidei possessori a quo res furtiva repe-
rita, damnum refarcitum, quippe ex eius bonis res furtiva
aeque ac si ab initio eius fuisset et ab ipso fure surrepta,
abesse incipit per vindicationem, adeoque fur et intuitu
huius furtum fecisse putandus. Rescriptum vero Regium,
se vnice referre videtur ad casum restitutionis domino rei
furtivae factae, non vero quaestionem attingit, quid iuris
esse debeat circa tertium bonae fidei possessorem rei fur-
tivae a quo eadem euincitur; sane eiusmodi restitutio no-
men restitutionis vix meretur, quia idem adhuc restitu-
endum quod est ablatum, licet alii quam cui amotum.
Nec fauor furum nos inuitare debet ad causam eorum de-
fendendam qui maximo prosequendi erant odio. Nos sal-
ua praerogatiua verborum contra sententiam et legislatore
ris mentem nos excusare, et saluis verbis securitatem pu-
blicam circumuenire non debemus *L. 29. π de legib. et L.*
5. C. eod. Communiter hanc interpretandi rationem in-
eunt commentatores ad Ordin. Crim. dict. art. et constans
ac perpetuus propemodum collegiorum iuridicorum est
hic pronuntiandi modus. Ita Vitembergenses *vid. Nob. de*
BERGER El. Crim. pag. 26. 35. Helmstadienses *vid. Dn. a*
LEYSER Med. ad Pand. Specim. DXXXV. med. 13.
Scabini Lipsienses iuxta *CARPZOVIVM Pr. Crim. Qu.*
LXXX. n. 51. seq. responderunt. Eadem vestigia promit-
tens Ordo noster, qui M. Sept. anni mill. septing. quadr. tertii
ad iustitiarium, C. poenam capitalem dictare eo casu non
dubitavit, vbi inter alias rationes et sequentes reddidit

D. a. u. d. die peinliche Hals-Gerichts-Ordnung art. 160. die in causa furti gesetzte Leib- und Lebens-Straffe, darnach, wie schädlich dem beschädigten der Diebstahl seyn mag, zu beurtheilen anweist, welches nicht alleine von denen Eigenthümern selbst, so den Diebstahl erlitten, sondern auch von denenjenigen an welche ein Dieb gestohlene Sachen verkauffet, und er solche bona fide an sich bracht, dieselben aber ohne Entgeld wieder auszuantworten angehalten worden, als die an deren Stelle treten, und eben dadurch in Schaden und Verlust gesetzet werden, zu verstehen und anzunehmen. Exoptandum sane. vt authentica interpretatione omnis litigandi et variandi praescindatur occasio, ne fortasse aliquando pluralitas votorum, quae saepius numero magis quam pondere aestimantur, iustam animaduertendi rationem vincat. Etenim cum multitudo malorum, et atro carbōne notanda furum cohors, numerum bonorum superare propemodum incipiat. nec amplius hospes ab hospite tutus, poenaeque in fures statuta vix sufficere et respondere videatur. frequentiae actuum nociuorum, ad obtinendam securitatem publicam et priuatam, monente CLAVDIO SATVRNINO, in *L. 16. §. 10. de poen.*: nimium multis personis grassantibus, exemplo opus sit, exacerbanda magis supplicia maleuolorum, quam temperanda, nec honorariam operam amici, sed seueritatem iudicis desiderant. Coniiciant igitur leges vltrices, fures, praesertim nocturnos, indistincte in vitae periculum, non attenta quantitate quinque solidorum, vti a Rege Borussiae et Duce Vinariensi prouisum recordamur. Iam Speculator Saxonicus *L. 2. art. 13.* furem simpliciter ad furcam damnauit: **Den Dieb soll man hängen.** Peccata non rerum euentu sed vitiis hominum, qui tranquillitatem publicam turbant, et vinculum societatis ciuilis rum-

X

punt, metienda; in quo peccatur id potest aliud alio magis esse vel minus, ipsum quidem illud peccare vnum est. Ad augendam transeundi culpam nihil pertinet, quam longe progrediat delinquens, cum semel transierit lineas. Furari licet nemini, quod autem non licet, in hoc vno tenetur, si arguitur non licere; id nec maius nec minus vnquam fieri potest, quoniam in eo est peccatum si non licuit, quod semper vnum et idem est. Quae ex prohibitione legis nascuntur peccata, aequalia sint oportet. Prauitates animi recte vitia dicuntur, peccata, quoniam ex vitiis manant sint aequalia, necesse est. Sane vis magna foret, quae arcere posset homines ab omni improbitate furti, si sciuerint et senserint nullum in delicto furti quoad quantitatem esse discrimen, et imminere mortis periculum siue binos tresue thaleros siue duodecim cum dimidio auferant. Quicquid non licet nefas putandum etiam in minimis rebus, siquidem rerum modum effingere non possumus, animorum modum tenere possumus. Quicquid peccatur perturbatione rationis et ordinis peccatur, perturbata vero semel ratione et ordine nihil potest addi, quo magis peccari posse videatur. Ne ergo furum latronumque per totam prouinciam vltius ferueat infania, incutiat ipsis, imprimis nocturnis, lex publica terrorem, gravitate poenae, nempe metuendae mortis, et insipidum secernat vulgus, non habito respectu ad quantitatem, qualem rigorem leges militares ad tuendam disciplinam et boni ordinis causa stricte obseruant. Eadem profecto mihi securitas et pax domestica postulat priuilegia, eundemque rigorem contra violatores; De hoc argumento commentationem conscripsit GEORG BEYER Antecessor olim Vitembergensis, qui §. *fin.* hominum de plebe defensorem egit, asserens de iis pacem domesticam, rarius

rarius violari. Reprehensus desuper merito, reclamante quotidiana experientia a *Dn. a LEYSER Med. ad Pand. Spec. DXCI. corol. 2.* Haec sunt pia mea desideria, quae si fortassis paradoxa nonnullis visa fuerint, sciant, quod dissimulare nolo, ansam cogitandi mihi praebuisse CICERONEM *Parad. III.* vt, quam varie eueniat indulgentia eorum qui de iure respondent, vt homines ad maiora facinora inuitentur, et vt est apud eundem CICERONEM in *L. Pison. cap. XXVII.* tantummodo improbus, crudelis; olim furunculus, nunc vero etiam rapax, impunitate aliquoties perpetratorum furtorum efficiatur, furta vero in se maxima, excusatione fori minima efficiantur, expenderem, cum scribendum mihi esset in gratiam Candidati nostri Nobiliss. qui de Furto magno eiusque poena, duce Excellentissimo HOMMELIO nostro, rerum criminalium peritissimo et exercitatissimo thema dissertationis suae inauguralis esse voluit. Est is.

GEORGIUS CHRISTOPHORUS BEYER

Natus die VI. Nouembr. anni huius seculi vigesimi primi Ichstadii pago in terris Schwarzburgicis sito. Patrem veneratur GEORGIUM BALTHASARVM BEYERVM in ciuitate Sangerhusana consulari dignitate conspicuum; matrem ANNAM MARIAM FETTIAM. A primis statim incunabulis priuata praeceptorum vsus institutione, parentibus vero sedem fixam fortunarum Sangerhusae constituentibus, publicam ibi frequentauit scholam. Adulterior factus prudenti optimorum parentum consilio in prouinciale Portense Lyceum missus, ibidem ultra lustrum commoratus, bonis literis, quae ab humanitate nomen acceperunt, industriam suam sacrauit, imprimis ex FREYTAGII et HVBSCII praeceptis multum se profecisse lubens gratusque testatur. Iactis rite studiorum fundamentis, Mense Octobr. ann.

XII

MDCCXLII Musis Portensibus valedixit ad altiora tendens. Primum elegit Academiam quae Halae floret in qua eodem mense et anno Prorectore B. GASSERO se in numerum studiorum cooptari curauit. Interfuit praelectionibus BOEHMERI tam patris quam filii, CARRACHI, KNORRII. In Historia Duces secutus est, WIDEBURGIVM, SCHMEIZELIVM ET MICHAELIEM. Biennio transacto, almam nostram Mense Octobr, MDCCXLIV salutauit, Magistratum Academicum gerente WINCKLERO, a quo albo ciuium academicorum insertus fuit. Auditoria IAC. MASCOVII, TRAVGOTT THOMASII, MENCKENII ET RICHTERI frequentauit, et triennium fere audientis eorum traditis insumsit; mea quoque subsellia non neglexit. Cursu studiorum per quinquennium, a Iustiniano olim praescriptum, felici successu absoluto, cum legitimae scientiae iuris nihil deesse videretur, ab Ordine nostro praemia laborum et summos quos Themis cultoribus suis largitur honores, modeste petiit. Admissus ad bina consueta examina, utroque expectationi nostrae omnino satisfecit, quare nulli dubitauimus, promeritos ipsi decernere honores. Habebit ergo in Auditorio nostro Petrino die Mercurii hora pomerid. II. lectionem cursoriam ad C. II. X. de Concessione praebendae, et ecclesiae non vacantis. Die sequente Dissertationem inauguralem thematis supra commemorati sub moderamine Excell. D. FERDINANDI AVGVSTI HOMMELII *Acti Instit. P. P. Ordinis nostri Assessoris, Collegae honoratissimi*, defendet. His peractis Excellentissimus Dn. GUSTAVVS HENRICVS MYLIUS *Potentiss. Reg. Pol. et Elect. Saxon. in summo quod ab Appellationibus nominatur Iudicio Consiliarius, supremae curiae Provincialis Lipsiensis Assessor, Ordinis nostri Senior*, cui vices meas demandando, summos in utroque lure honores et priuilegia doctoralia, excepta spe ad sessionem et votum in Collegio nostro adspirandi ipsi conferet. Quem Actum solennem ut RECTOR ACADEMIAE MAGNIFICVS, *Comites Illustrissimi, utriusque Reipublicae Proceres*, honorifica sua praesentia splendidiorem reddant, Generosissimi vero et Nobilissimi Ciues Academici simul concelebrent, omni qua decet et quae cuique debetur obseruantia rogo. Dabam Dom. III. P. F. S. S. T. M DCC XLVII.